

01-04-4-23756-3

11-09-2025

Na osnovu člana 70. Zakona o javnim nabavkama („Službeni glasnik BiH“, broj 39/14, 59/22 i 50/24), člana 48. Statuta Kliničkog centra Univerziteta u Sarajevu, a na prijedlog Komisije za javne nabavke, Generalni direktor donosi:

ODLUKU

Izmjeni i dopuni odluke o izboru najpovoljnijeg ponuđača
za nabavku usluga obaveznog osiguranja vozila

I

Na osnovu provedenog postupka nabavke putem konkurentskog zahtjeva, okvirni sporazum o nabavci usluga obaveznog osiguranja vozila dodjeljuje se ponuđaču:

1. EUROHERC OSIGURANJE d.d. Sarajevo

II

Odabrani ponuđač nije dužan da u roku od 5 (pet) dana od dana prijema ove Odluke, dostavi original ili ovjerene kopije dokaza o ispunjavanju uslova iz čl. 45. ZJN, u skladu sa dostavljenom Izjavom ponuđača, ne starije od 3 mjeseca računajući od momenta predaje ponude, iz razloga što je ove dokaze dostavio uz svoju ponudu.

III

Ova Odluka stupa na snagu danom donošenja i objaviće se na web stranici KCUS-a nakon što bude dostavljena ponuđačima učesnicima u postupku javne nabavke.

OBRAZLOŽENJE

Klinički centar Univerziteta u Sarajevu je na portalu Agencije za javne nabavke objavio Konkurentski zahtjev br. 893-7-2-203-3-591/25 od 22.05.2025. godine za izbor najpovoljnijeg ponuđača usluga obaveznog osiguranja vozila za period od 12 mjeseci.

Nakon dostave Odluke o izboru najpovoljnijeg ponuđača svim učesnicima u postupku nabavke u zakonskom roku, nezadovoljan odlukom jedan od ponuđača izjavljuje Žalbu br. 73-11-3-24531 dostavljenu dana 21.07.2025. godine.

Komisija za javne nabavke je smatrala žalbu neosnovanom i kao takvu je prosljedila zajedno za Izjašnjenjem v.d. Generalne direktorice KCUS-a br. 73-11-3-25374 Uredu za razmatranje žalbi dana 25.07.2025. godine.

Dana 20.08.2025. godine, Ured za razmatranje žalbi BiH donosi Rješenje br. JN2-03-07-1-1225-6/25 zaprimljeno dana 27.08.2025. godine pod brojem protokola 73-11-3-28783, kojim žalbu usvaja kao osnovanu i poništava Odluku o izboru br. 01-04-4-23756-1 od 14.07.2025. godine, te predmet vraća ugovornom organu na ponovni postupak.

Dana 03.09.2025. godine, ponuđač Croatia osiguranje d.d. Mostar dostavlja Obavijest br. 03-09-2025 kojim obavještava ugovornog organa da kao ponuđač u predmetnom postupku nabavke odustaje od daljnijeg učešća u postupku nabavke usluga obaveznog osiguranja vozila.

Dana 04.09.2025. godine, Komisija za javne nabavke je održala zatvoreni sastanak i ovom prilikom izvršila ponovo uvid u sve dostavljene ponude, te je tom prilikom zaključila da:

[Handwritten signature]

- Ponude ponuđača ASA Central osiguranje d.d. nije formalno-pravno ispravna iz razloga što je za vozilo pod r.b. 2 ugovorni organ naveo: Teretno vozilo, nosivosti 1556 kg i trenutni stečeni bonus od 20%, uvidom u knjigu štetnika u kalendarskoj 2024. godini, vozilo nije imalo štetni događaj gledajući po parametrima broj šasije i registracijska oznaka te se u skladu sa Uslovima i Odlukom o tarifi premije i cjeniku premija obračunava sa 30% bonusa. Prema informacijama za vozilo pod r.b. 2 jasno je i nedvosmisleno da vozilo pripada premijskoj grupi 02-teretna vozila, podgrupa 03 – nosivosti preko 1t do 2t, sa bonusom od 30% premija iznosi 515,00 KM. Izabrani ponuđač ASA Central osiguranje d.d. ponudio je cijenu u iznosu od 319,00 KM, odnosno premiju osiguranja koju Odluka o tarifi premije i cjeniku ne poznaje.
- Drugoplasirani ponuđač Sarajevo osiguranje d.d. je za isto vozilo ponudio cijenu odnosno premiju u iznosu od 382,00 KM što odgovara premijskoj podgrupi 02- preko 0,5t do 1t. Također za vozilo pod r.b. 8: putničko, snaga motora 77 kw, trenutni stečeni bonus od 50%, broj registrovanih sjedećih mjesta 9. Jasno je nedvosmisleno da vozilo pripada premijskoj grupi 01 – putnička vozila, podgrupa 06 – preko 66 kw do 84 kw, sa bonusom od 50%, premija iznosi 307,00 KM + 10% predviđenog doplatka ukupno iznosi 337,70 KM.
- ASA Central osiguranje d.d. ponudio je cijenu odnosno premiju osiguranja u iznosu od 307,00 KM. Isto se odnosi na vozilo pod r.b. 13, obračunavši premiju na gore opisani način, odnosno kršeći Odluku o tarifi koja je obavezujuća za društva za osiguranje izabrani ponuđač je direktno vršio cjenovnu konkurenciju u odnosu na ostale ponuđače.

U skladu sa Rješenjem Ureda za razmatranje žalbi BiH i gore navedenog obrazloženja, Komisija za javne nabavke odbacuje ponude ponuđača ASA Central osiguranje d.d. i Sarajevo osiguranje d.d. kao formalno – pravno neispravne.

Obzirom da se radi o Konkurentskom zahtjevu sa objavom obavještenja te da je kriterij za dodjelu okvirnog sporazuma „najniža cijena“, Komisija prema Izmjeni i dopuni izvještaja u prilogu, predlaže da se okvirni sporazum dodijeli ponuđaču:


Euroherc osiguranje d.d. Sarajevo

	Opis	Vrijednost ponude sa svim neophodnim troškovima (KM)
Lot 1	Usluge obaveznog osiguranja vozila	9.435,40

Okvirni sporazum se zaključuje za period od 12 mjeseci.

Uslovi plaćanja: Odmah nakon izvršene usluge i ispostave fakture.

Zbog prethodno navedenih razloga je donesena odluka kao u dispozitivu.



 GENERALNI DIREKTOR
 Prim. doc. dr. sc. med. Alen Pilav

PRAVNA POUKA:

Protiv ove Odluke može se uložiti Žalba putem ugovornog organa odnosno KCUS-a u pisanoj formi, u roku od pet (5) dana od dana kada je podnosilac saznao ili je trebao saznati za navodnu povredu Zakona o javnim nabavkama BIH u toku konkretnog postupka.

Dostaviti:

- Sektor zajedničkih službi KCUS-a;
- Ponuđačima;
- a/a

